

Arfattat angisuut pissatallu nalunaarutigineqartarnerat pillugu Namminersornerullutik Oqartussat nalunaarutaat

Piniarneq aallaaniarnerlu pillugit Inatsisartut inatsisaanni nr. 12-im 29. oktober 1999-imeersumi kingusinnerusukkut inatsisartut inatsisaatigut nr. 1 16. maj 2008-meersukkut allanngortinneqartumi § 2, imm. 4, §§ 12, 13 aamma § 17 naapertorlugit aalajangersarneqarpoq:

§ 1. Tikaagullimmik arfermilluunniit tikaagullimmit anginerusumik pisaqartoq pissaasorluunniit tamatuminnga piaartumik kommuniminut nalunaaruteqassaaq. Ataatsimoorluni piniarnermi toqqagaalluni aquuttoq nalunaaruteqassaaq.

Imm. 2. Kitaani tikaagullit pisat pissatallu tamarmik kommunimut pisassiissutinit ilanngaataassapput ukiumi pineqartumi imaluunnit ukiumi tullermi. Tunumili pisat kisimik ilanngaataassapput.

Imm. 3. Immersuffissaq akuerisaq (ilanngussaq 1) atorlugu kommunip allaffianut kommunilluunniit nunaqarfimmi allaffianut qaninnerpaamut nalunaaruteqartoqartassaaq, tassanngaaniillu piaartumik nalunaarut pisaqartup kommunianut ingerlateeqinnejqassaaq.

Arfanneq

§ 2. Arferit § 1-im i taaneqartut pisarineqareeraangata immersugassami makku nalunaarutigineqartassapput:

1) arfermut tunngatillugu (immersugassami B-E):

- a) Suunera.
- b) Takissusia, kakkiviaata nuuaniit sarpiisa kiggaannut uuttorlugu.
- c) Suaanera.
- d) Arnaviaappat: immoqarnersoq, illaaqarnersoq, taamaassimappallu illaava qanoq takitiginersoq suaanersorlu.
- e) Sunik aqajarormioqarnersoq.

2) piniarnermut tunngatillugu (immersugassami A, F, G, H, I aamma J):

- a) Angallatip aqqa GR-normualu, ataatsimoorluni piniarnermi; angallatit aqqi GR-normuilu imaluunniit angallateeqqat qassiunersut.
- b) Piniartup aqqa, inuttut normua, ataatsimoorluni piniarnermi piniaqataasut aqqi inuttullu normui, allaffissiap tunuanut allanneqassapput.
- c) Pisaqarnissamut kommunip akuersissutaata normua tikaagullimmut.
- d) Pisaqarfip sumiinnera, allorniusat sanimukaartut ammukaartullu imaluunnit feltkode (sumiiffik immikkut ilisarnaasigaq), Kalaallit Nunaanni Aalisarnermik Avatangiisinillu Misissuisoqarfip feltkodinut

tunngatillugu assiliaa naapertorlugu, atorlugu. Imaluunniit allatut paatsuugassaanngitsumik nalunaarutigalugu.

e) Ulloq pisaqarfik.

f) Pilaffik.

g) Pisap oqimaassusaa missingerlugu; kilogram mattak, orsoq kiisalu neqi. Kiisalu misissugassamik peersisoqarsimanersoq Pinngortitaleriffimmullu nassiullugu.

h) Sakku arfannermi atorneqartoq, nalunaarutigalugu sakku imaluunniit sakkup paatussusia sorleq atorneqarsimanersoq. Qamutilimmik sakkoqarsimagaanni tuukkaq qaartartoqarsimanersoq nalunaarutigineqassaaq. Tuukkaq qaartartullip serienormua tassunga kigartorneqarsimasoq nalunaarutigineqassaaq.

i) Arfeq qanoq sivisutigisumik toqujartorsimanersoq nalunaarutigineqassaaq, tassa eqqortinneraniit toqunissaa tikillugu. Aammattaaq llanngussami l-imi qupp. 2-mi titartakkami nalunaaqutserneqassaaq arfeq sukkut eqqorneqarsimanersoq. Minutsit 30-it sinnerlugit toqusaasoqarsimappat tamanna nassuaatigineqassaaq.

3) immersuisup aqqa ullorlu immersuiffik. (immersugassami L).

Pissaanermi

§ 3. Arferit § 1-imi taaneqarsimasut pissanneqarsimappata tulaanneqaratik makku nalunaarutigineqassapput (immersugassami A, B, F, I, K & L):

1) Arfeq suusimanersoq.

2) Angallatip aqqa GR-normualu, ataatsimoorluni piniarnermi piniaqataasut aqqi inuttullu normui; pujortuleeqqat aqqi GR-normuilu imaluunniit angallateeeqqat qassiuneri.

3) Piniartup aqqa, ataatsimoorluni piniarnermi peqataasut aqqi inuttullu normui immersugassap tunuani.

4) Pisaqarnissamut kommunip akuersissutaata normua tikaagullimmuit,

5) Arfeq sumi pissanneqarsimanersoq, allorniusat sanimukaartut ammukaartullu imaluunniit feltkode (sumiiffik immikkut ilisarnaasigaq), Kalaallit Nunaanni Aalisarnermiq Avatangiisinillu Misissusoqarfup feltkodinut tunngatillugu assiutaa naapertorlugin imaluunniit sumiiffia allatut ililluni paatsuugassajunnaarlugu nalunaarutigalugu.

6) Ulloq pissaaffik.

7) Pissaanermi sakkut atukkat. Qamutilimmik sakkoqarsimagaanni tuukkaq qaartartoqarsimanersoq nalunaarutigineqassaaq. Tuukkaq qaartartullip serienormua tassunga kigartorneqarsimasoq nalunaarutigineqassaaq.

8) pissaasimanermi peqquatasut suunersut; soorlu assersuutigalugu silap ajornera, atortunik ajutoorneq il.il. Aammattaaq llanngussaq l, qupp. 2-mi titartakkami nalunaaqutserneqassaaq arfeq sukkut eqqortissimanersoq.

9) Immersuisup aqqa ullorlu immersuiffik.

§ 4. Kommunalbestyrelsi pisussaavoq qularnaallillugu uppernarsineqarpat arfermik unioqqutitsilluni pisaqartoqarsimasoq imlt. pissaasoqarsimasoq tamatuma mailikkut imlt. oqarasuaatikkut kiisalu immersugassaaq atorlugu nalunaarutiginissaanut. Nalunaarut tuaviortumik mailikkut imlt. faxikkut Aalisarnermut, Piniarnermut Nunalerinermullu Aqutisoqarfimmut nassiunneqartassaaq.

Imm. 2. Naalakkersuisut communalbestyrelsi piumaffigisinnavaat akuersissutit tunniunneqarsimasut

atorunnaarseqqullugit kommunalbestyrelsi paassisutissanik piffissaq eqqorlugu Naalakkersuisunut nassitsisarsimangippat imaluunniit paassisutissanik amigartunik nassitsisarsimappat.

§ 5. §§ 1, 2, aamma 3-mik unioqqutitsisoq akiliisitaasinaavoq.

§ 6. Nalunaarut atortuulissaaq aprilip 17. april 2009-meersoq.

Imm. 2. Tamatumunnga peqatigitillugu arfattat pissatallu nalunaarutigineqartarnerat pillugu nalunaarut nr. 13. 3. april 1998-imeersoq atorunnaarpoq

Namminersornerullutik Oqartussat, 17. april 2009-meersoq.

Finn Karlsen

/

Amalie Jessen

Ilanngussaq

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut